

問水集卷六

奏議

總理河道都察院右

預處黃河水患疏

為預處黃河水患事行據管河郎中郭敦河南按察司管河副使胡宗明直隸兵備河南按察司僉事李宗樞等各備由逐款開呈查議過

祖陵

壽春王墳并河南山東等處堤岸月河應修應止等項工程緣由到臣案照接管卷查准本部咨前事該先任總理河道都察院右副都御史朱蒙公

問水集卷六

一

同工部郎中郭秉聰韓廷偉等會勘預處黃河水患應挑應築堤岸河道等項事宜會題該工部覆議黃河東庄遷徙不常關繫運道民生最為利害緊切思患預防固宜有備但曩因沛河梗塞嘗欽命大臣前去督理及創開新河費過銀兩役過人夫動以數十萬計尋以修省停工竟無底績鑒往寔難輕議然隨時經理任在得人今該總理河道都御史朱蒙會同工部郎中郭秉聰韓廷偉并各該撫按等官勘奏前來內開應築堤岸之類動經數百餘里工費不貲通合審處合候

命下備咨都御史朱裳再行詳審詢謀如果切近河患勢所當急去處壹面督同管河郎中副使等官調募人夫措辦工料用心整理若水患未及勢尚可緩姑候酌量次第而行應停止者暫行停止題奉

欽依備行朱裳行開本官丁憂去任嘉靖拾叁年肆月貳拾陸日該臣接管節該欽奉
勅近該工部議覆會勘修河事宜除已挑濬開通外其應挑應築隄防者工程浩大所費不貲今特命爾再行親詣各該地方詳審周詢酌量時勢其

問水集卷六

二

切近河患勢所當急者爾即督同管河郎中副使等官選委能幹官員分定應挑應濬應築地方調募人夫措辦工料趁時用心整理孫家渡應否放水等項聽爾從宜處置其寧源源泉南旺胡隄務要及時濬築深厚隨處蓄水以濟漕舟合用錢糧照依該部題准各項銀兩解去支用凡有益河道事宜勅內該載未盡者聽爾從長計處而行事體重大者奏請定奪爾為憲臣受茲重託尤須悉心竭力刻期成功以濟國家大計欽此欽遵臣當即開款通行勘議臣仍欽遵躬親遍詣公同相度由

山東遡流而上直抵河南孫家渡由開封順流而
下直抵直隸鳳泗恭謁

祖陵

皇陵

壽春王墳下至淮海之間上遡徐呂貳洪而還節
據各官先後勘呈在卷凡河道堤岸泉源湖堤應
築者修築應濬者挑濬工程稍有次第間復因黃
河南徙運道淤阻斷流
國計事重且急詣相度議當濬河修閘以通漕運
具題荷蒙

問水集卷六

三

俞允委官調夫於嘉靖拾肆年正月拾伍興工幸
於肆月初旬工完糧運隨至臣躬親備運兼閱視
北河直抵河西務幸糧運肆百萬石通行到灣完
納訖臣方還濟寧周旋數千里間隨處經畫竊維
前此各官之會勘工部之議題預處黃河水患者
凡以保全運河俾無妨漕運爾茲仰荷
皇上聖化潛孚川靈効順黃河既已南徙復荷
皇上俯從臣等之議濬河修閘運道既已疏通則
目前河道與前大異各官所勘工程除關繫切要
已經修築挑濬外其餘固多有應止不須虛費財

力者矣惟原勘

祖陵

壽春王墳修築堤岸事體重大則又非臣等所敢
擅擬為此今將勘過應該奏

請定奪及已挑濬修築并應該停止各項工程事
宜條列開坐上

請乞

勅工部再行計議上

請定奪施行則事不廢於因循財不病於徒費矣
謹題請

問水集卷六

四

旨

計開

事體重大欽遵

勅旨奏

請定奪貳條

壹原勘議

祖陵東西南參面量築土堤以障泛溢

前件行據直隸兵備河南按察司僉事

李宗樞呈稱據泗州申准該州掌印

知州李天倫關公司

中都留守司僉書指揮僉事張祐鳳陽府掌印知府劉佐泗州衛掌印指揮同知張鍾并

祖陵祠祭署奉祀朱光道等恭詣伏瞻

祖陵在泗州城東北相距壹拾叁里坐北向南地俱土岡其岡西北自徐州諸山發脉經靈璧虹縣逶迤起伏數百里而來會秀含靈至茲聚止近

封基運山即此其

陵北有土岡連絡倚負南有小岡橫亘依憑小岡

問水集卷六

五

之北間有溪水漲流先年置橋利涉凡謁

陵官員俱至此下馬是西北貳面土岡聯屬永奠無虞其南面小岡之外即俯臨沙湖西有陡湖之水亦匯於此沙湖之南為淮河自西而來環繞東流去

祖陵壹拾叁里惟東面岡勢止處俯臨平地有汴河壹道遠自東北而來上有塔影蘆湖龜山韓家柯家等湖及

陵北岡後沱溝之水俱入于汴河西面有本岡溪

水引入金水河經

陵前東流亦入汴河前項肆面湖河諸水每歲水大則衆流會合從東南直河奔注于淮水小則匯瀦于

陵之東南貳面肆時不涸但遇夏秋淮水泛漲則西由黃岡口東由直河口瀾漫浸溢與前項湖河諸水通連會合間或滄及岡足及下馬橋邊惟正德拾貳年大水異常漲至

陵門遂侵

閩水集卷六

六

堦陞此則曠百年而壹見也今欲遵奉總理河道都察院右副都御史朱裳及工部郎中郭秉聰韓廷偉原

題東西南參面量築土堤壹節因預防水患永固陵寢大計但未明開有遠近起止里數丈尺職等淺見自今議之欲自下馬橋邊及林木左右築堤則西來龍脉交錯盤紆

北去

玄宮土壤密邇板築震驚鍾斧掘伐關繫匪細固非職等所敢輕議也欲自

陵前平地築堤則積水長盈羣工難措抑且遠無所禦近有所妨亦非職等所敢輕議也又欲東自直河口西自黃岡口上下伍拾餘里間遠築圍繞工力雖多誠不敢惜但恐此堤壹成淮河壹時泛漲之水雖稍能障蔽傍溢而陵前湖河諸水又將阻遏北侵名雖防河實則蓄水遠流未及為患而近水先有可憂者矣縱使開壺石閘隨時啟閉則湖水可出河水亦可以入孰能禦之尤

閘水集卷六

七

非職等所敢輕議也又據匠役王良等量得自淮河見流水面至岸地比水高柒尺又自岸至

陵南湖水平面比水亦高柒尺自湖水平面至下馬橋邊地高捌尺肆寸橋邊地至

陵門地高陸尺

陵門地至

陵地高壹尺柒寸共高貳丈叁尺壹寸况基運山雖俱土岡百餘年來每歲水溢未聞衝决

寔我

德 懿

熙參祖陵寢萬年根本之地百祥肇始之區委的
事體重大未敢遽擬是以前次郎中
郭秉聰韓廷偉案行本州勘議本州
亦惟以干礙

陵寢未敢輕議回報但水勢不常難於逆觀據已
往之迹雖云久安在將來之患豈能
預度合無俯賜轉達備由具

奏乞

閩水集卷六

八

命欽天監官壹員前來相其地勢察其風水定其
基址審其歲時有無妨礙通利應築
應止伏候

聖裁定奪等因具申到道及據留守司經歷司鳳
陽府泗州衛經歷司

祖陵祠祭署各申呈會議相同據此案照先蒙總
理河道都察院右副都御史劉 案
驗前事已經委官會勘去後今據前
因將勘議過前項緣由具呈到臣隨
該臣同僉事李宗樞及留守司鳳

陽府并泗州泗州衛各掌印等官恭

詣

祖陵伏瞻環仰博訪備詢亦與官會議相同竊

惟

祖陵數百年來奠安已久今壹旦添築土堤雖水

患固當預防而工役豈宜輕動委的

事體重大非臣等所敢輕議乞

勅該部再行計議請

命欽天監官前來相度應否築堤上

請定奪不勝幸甚

閩水集卷六

九

壹原勘議

壽春王墳北面包砌石岸以防衝決

前件行據直隸兵備河南按察司僉事

李宗樞呈稱據鳳陽府牒呈准本府

掌印知府劉佐關公同留守司副留

守蘇潤長淮衛掌印指揮僉事楊時

正鳳陽縣知縣趙楷并

皇陵祠祭署奉祀等官趙儒等親詣

壽春王墳勘議得先年黃河全水從渦入淮勢衝

南岸直近

壽春等拾王肆妃之墳故

中都志開白塔墳自天順肆年以後連年河水泛溢墳塚殿宇俱被滄沒至弘治年間河衝北岸泥沙壅淤墳塋北面積起沙洲離水貳百餘丈至正德捌年河水盛長又從洲漫入墳內本墳前殿尚有水痕伍尺伍寸以此總理河道都察院右副都御史朱裳工部郎中郭秉聰韓廷偉惟恐開通孫家渡水勢洶惡議於洲北水次包砌石岸防

開水集卷六

十

其衝決也今驗得洲之根脚俱是淤泥石岸鉅萬之費雖不足計但恐或遇衝岸之水轟颶激湃終不免於崩塌至於沿河通築土堤拾伍里雖足為北岸之計設有水自曹山上流由堤內湧入則不免徑衝墳所而堤且潰矣今測量水勢淺深比墳低貳丈陸尺有餘丈量河岸遠近距墳叁百肆拾餘步且孫家渡既不開通似可無他虞者但黃淮貳水合流泛漲

難測况

壽春等拾王肆妃神靈所依不可不思患而預防
 之參酌衆議合無於墳之北壹百肆
 拾丈外墳之南壹百陸拾丈外其東
 西各壹百伍拾丈外週圍環築土堤
 壹座約廣伍里計該玖百丈脚寬伍
 丈結頂貳丈高壹丈自北面及東西
 各轉角處堤脚共約長叁百丈俱用
 石砌根脚須深掘入土砌高壹丈伍
 尺濶叁尺俾與外河水面相平庶可

問水集卷六

十一

以防將來衝溢其上面肆圍土堤兩
 面至頂俱密栽低矮柳楸用以禦漲
 漫之水俾不得壞堤又於北面及東
 西貳角堤外臨河貳拾柒丈內俱栽
 深柳數拾層每相離肆尺即栽壹根
 每層各破行魚鱗而栽用木楸栽之
 俟其長茂根株下達旁通可以保結
 沙土保護石基比之原議包砌石岸
 數百可省費拾之柒捌其圓堤比築
 長堤亦可省費拾之陸柒據此數端

若可以並行而相為用者但前項工
作鑿石穿土係干

王墳事體重大不知於風水有無妨礙年月有無
通利合無轉達具

奏乞

命欽天監官前來相度果無別礙方敢舉行等因
到道及據

中都留守司經歷司并長淮衛鳳陽縣
皇陵祠祭署各亦申呈相同據此案照先抄蒙總
理河道都察院右副都御史劉天和案

閩水集卷六

十三

驗前事已經行勘去後今據前因今
將勘議過緣由具呈等因到臣隨該
臣公同僉事李宗樞及

中都留守同鳳陽府縣長淮衛各掌印等官恭詣
壽春等王墳度量周視咨詢眾見亦與各官會議
相同臣等竊惟

壽春王墳去河僅壹百餘丈且土脈不堅而黃淮
貳水合流其勢甚盛前項築堤砌岸
恐猶不足以禦其衝決之勢且事關

王墳風水有^無妨礙年月有無便利皆非臣等所

敢定擬近該巡撫鳳陽右副都御史

馬卿具奏已蒙

特遣欽天監官前來相度臣等不勝幸勝但來歲

伏秋之水須當預防而石料非可猝

辦乞

勅該部計議行下各官如欽天監官勘果風水無

妨年月便利即行預辦石料以候

明旨壹下即行包砌庶

王墳可保無虞而且等亦可違誤事之罪矣不勝

幸甚

開水集卷六

十三

已經挑濬修築施行捌條

壹原勘議山東諸泉大加疏濬

前件看得運道利濟全仰諸泉近年黃

河入運僅能利濟魚臺南至徐沛貳

百里爾自魚臺北至濟寧又北至臨

清伍百里間則尤賴汶水諸泉之利

也臣甫到任即躬詣汶上寧陽泰安

州等處閱視節行主事段承恩督委

同知劉純等通將諸泉大加疏濬渠

道淤塞者開挑堤岸斷缺者補築盜

引者禁絕務俾勺水悉入運河又經
測驗泉出穴數大小形狀泉口成渠
深廣尺寸泉流入運遠近里至以防
濬泉官夫虛文捏報之弊見今嘉靖
拾叁年拾肆年每年全運糧肆百萬
石俱依期通運到京並無阻誤將來
苟非大旱泉微運舟決可利濟矣

壹原勘議南旺湖堤壹百餘里修築原設
閘壩通行查復

前件臣初到濟寧正遇運河水涸運舟

閘水集卷六

十四

淺阻臣查訪南旺週圍湖堤盡皆頽
廢臣當即行委同知劉純等督調河
道夫役畫地分工創行修築隨據劉
純呈稱築完南旺叁面湖堤伍拾壹
里壹百叁拾伍丈及修完臨運河壹
面堤陸拾里通共壹百壹拾餘里堪
以積水及開通減水閘座等因到臣
隨詣閱實訖

壹原勘議魯橋至沛縣東堤壹百伍拾餘
里修築堅厚

前件行據管河郎中郭敷督同管河通判等官丁鵬等修築堅厚完備隨該臣親詣閱實訖但原議要害去處砌之以石以禦橫流量置石壩以洩暴水今黃河既已南旋開河汶泉水微近日濬河淤泥又已培益東堤高厚似不必更砌石置壩虛費財力

壹原勘議河南原武縣地名王村廠添築月堤壹拾里

前件查得前堤已行河南管河道經委

閩水集卷六

十五

原武縣典史董昌修築完備隨該臣親詣本堤閱實訖

壹原勘議孫家渡河且勿放水候渦河壅塞之日方將本口開放

前件行據河南按察司管河副使胡宗明呈據開封府管河同知王景明呈會同潁州兵備道委官潁川衛經歷陳廷楨勘得孫家渡於嘉靖拾貳年捌月內因趙皮寨支河分流水小黃河勢大恐傷運道故於渡口開濬成

河以殺全河水勢後趙皮寨河日漸
衝闊水皆南注分入渦河挑河若再
開孫家渡河併入渦河不惟貳洪水
小舟楫難行抑恐黃水經遠

陵寢事干重大况本渡已經淤塞等因到道備呈

到臣隨該臣親詣孫家渡查看得本
渡自正統年間全河從此南徙弘治
貳年淤塞之後累經疏濬糜費財力
不可勝計隨開隨淤卒不能通蓋黃
河已棄之故道兩岸河底率皆高仰

問水集卷六

六

故也且趙皮寨河道既已衝廣全河
從此南徙前項渡口不須復開恐其
流經

陵門關繫重大已經行令照舊堵塞訖

壹原勘議祥符縣地名銅瓦廂仍開濬對

岸月河伍里

前件行據河南按察司管河副使胡宗
明呈稱前項月河已經行委鄭州管
河判官姚熙挑完共長玖百丈曾未
兩月隨復淤塞蓋水勢趨北而月河

乃欲使之東注不惟水勢難挽抑恐
隨挑隨淤徒費財力等因到臣看得
黃河水勢難與力爭前項月河既已
挑完復淤似應不必復濬

臺原勘議淮安清河口將板閘迤西築壩
下流放水使河身乾涸併工挑濬就
將所挑泥沙築為堤岸

前件臣於嘉靖拾叁年捌月親詣淮安
相勘議候運糧回空船隻過盡築壩
挑濬間隨因本年拾月黃河南徙山

閘水集卷六

七

東直隸運道淤塞節該欽奉

勅命臣挑濬濟寧至徐沛壹帶閘河其淮安迤南
直抵儀真河道欽奉

勅命總督漕運右副都御史馬卿挑濬隨該馬卿
委官調夫將前議清河口板閘壹帶
淤淺河道俱已挑濬深廣拾肆年糧
運通行無阻

臺原勘議新莊清江等閘如濟寧閘事例
依時啟閉

前件已經行仰管閘主事徐存義查照

依時啟閉施行訖

河道遷改應該停止陸條

壹原勘議渦河壹支因趙皮寨下流自睢
州野雞岡地方淤塞正身伍拾餘里
以致漫入平地注入渦河今議得趙
皮寨野雞岡迤下至寧陵縣地方應
該挑濬淤河伍拾餘里倍加深廣導
引漫水歸入正河

前件行據河南按察司管河副使胡宗
明呈據睢州知州胡瑞睢陽衛指揮

閩水集卷六

六

于宗仁查勘得野雞岡而下河身伍
拾里上年會勘之時河水未漲委實
淤塞應該挑濬嘉靖拾叁年伍月內
河水泛漲自野雞岡至郭節口貳拾
里衝刷兩岸河面濶壹百貳拾丈深
貳丈自郭節口而下河身叁拾里雖
仍淤塞但南岸本口衝開新河壹道
南行濶貳百丈深貳丈由伯黨集南
流拾里至許家樓分作貳支壹支仍
南行濶壹百丈深貳丈從寧陵縣地

方陽驛鋪西注入渦河壹支折而東
行漫濶貳百餘丈中流深壹丈流貳
拾貳里經寧陵縣地方胡家樓迤東
歸入挑河北岸邵家口衝開新河壹道
東南行濶陸拾丈深貳丈流貳拾里
經寧陵縣地方崔家樓迤東亦歸挑
河新衝叁支河道俱各深廣內壹支
分入渦河貳支會入寧陵縣城北挑
河俱各通行似更不必挑濬等因到
臣看得黃河之勢遷徙無常俄頃之

閘水集卷六

十九

閘淤決頓異以故昔日所勘與今日
所議不同所據淤河既已通流深廣
不必更加挑濬前議工程應該停止
但渦河中經

陵寢水勢宜減挑河分濟貳洪水勢宜增近據河

南管河各官節報趙皮寨分流南向
渦河之水漸減東向挑河之水漸盛
川靈効順不假人力臣等不勝慶幸
以後如有淤淺方可隨宜挑濬

壹原勘議自睢州地方張見口起至歸德

州地方郭村止應該量築長堤壹道
計長壹百餘里以禦泛漲

前件行據河南按察司管河副使胡宗
明呈據委官睢州知州胡瑞睢陽衛
掌印指揮干宗仁查勘得上年會勘
之時河水未漲本州張見口而下俱
有涯岸實地堪以築堤今年河水泛
漲平地水深行舟自張見口起至寧
陵縣地方伍拾餘里近雖水退地出
然近岸新淤湧積沮洳更無實地支

問水集卷六

二十

水交流斷岸未續若欲修築長堤無
從聯接抑且根基不固頽塌可立而
待歸德州地方飲馬池而下河道兩
岸頗高堪以修築但趙皮寨河口上
流尚未成堤則下流雖欲築堤倘漫
水從上倒下竟成何濟莫若責令州
縣官省諭鄰河地方召集鄉夫兩岸
缺口小而可塞者用力堵塞離岸數
拾步外可修築縷水堤者各隨地勢
突窪或高叁肆尺或高壹貳尺根濶

肆步頂闊貳步使積凌清明挑花等
水不能湔沒貳麥來年伍月麥熟收
穫之後伏秋水發雖有泛漲兩岸遠
近更加淤澱或有衝決修補亦易年
復壹年淤澱有加岸高水深漸流成
川雖無隄防可也等因到道查得前
項長堤近該本道原任管河副使汪
溱議允於張見口起至歸德州地方
郭村止築堤壹百伍拾里行委杞縣
縣丞劉時義部領睢杞等州縣人夫

閩水集卷六

三

共叁千捌百伍拾名築完長堤共捌
拾伍里隨被衝壞為照前堤虛費固
人事工力之未盡亦地形水勢之未
宜覆轍在前似難再議况兩河夾岸
俱欲築堤則肆堤綿亘不下數百餘
里恐非河南壹省之力所能料理合
無俯從各官勘議長堤不必創築其
近河縷水小堤決口行令各該州縣
拘集鄉夫人等隨宜補築以防春水
以全貳麥民有實利官無虛費實為

兩便等因到臣隨該臣公同副使胡宗明躬歷睢州壹帶地方閱視得河水初決之處必數拾百里瀰漫橫流久之則深者以漸成河兩旁淤澱以漸成岸若復量築縷水小堤加以栽植隨河低柳則泥沙壅積兩岸自高省費休民莫逾於此前項堤岸似應停止

壹原勘議內開梁靖口雖已疏通下流壹帶河身仍須時加修濬自儀封縣于

閩水集卷六

三

莊村舊有見淤月河壹道再挑貳拾捌里接入梁靖口達于小浮橋以殺北岸水勢

前件行據河南按察司管河副使胡宗明呈稱據開封府管河同知王景明呈督同考城縣典史劉仲文勘得先因趙皮寨南河水小恐北河洶湧有傷運道故議於莊村梁靖口開濬月河近南河水勢日盛若再將于莊口淤河挑濬北河水勢愈涸貳洪運

道不無阻礙前議月河今似不宜開
濬又據夏邑縣知縣滑參會同徐州
兵備道委官徐州管河判官項情會
議得冬來水勢消耗不無坐淤差官
沿河踏勘如遇淤淺之處起大批挖
深濶不致阻流將梁靖口起直抵小
浮橋出口止逐段測量遠近里數并
深淺廣狹各數目備開到道看得原
議挑濬月河不過欲殺北河之勢今
全河皆已南注而北河自趙皮寨以

閩水集卷六

三三

達小浮橋口皆淤淺不壹則今日之
所當開濬者不在月河而在於北河
矣時異勢殊法難拘泥等因到臣看
得黃河近已南徙北河近已漸微前
項于莊村月河委應不必挑濬虛費
財力應該停止

壹原勘議城武縣苟村集大堤頭起至濟
寧州地方止創築縷水大堤壹道計
長壹百伍拾餘里以防北溢仍將魚
臺縣城北小屯起至穀亭鎮南店頭

止開挑淤河引水入運河以殺魚臺
城之患

前件苟村集至濟寧大堤已經行委同
知戴纓督夫修築壹拾貳里間該工
料都給事中戴繼奏行停止今黃河
既已南徙曹縣捌里灣至侯家林大
堤又已築合前項大堤不須更築魚
臺已無水患前項淤河不須更挑貳
項工程俱應停止

壹該科原奏內開塞岔河口俾自梁靖

閩水集卷六

二四

口經豐碭之南由小浮橋入運河

前件看得黃河南徙岔河口以東河道
今不待堵塞自己淤塞斷流別無可
議

壹原勘議淮安海口洩水甘溝菊花溝通
濶河柒拾伍里馬邏港肆拾餘里羊
寨港叁拾捌里并北滙等溝量開壹
貳處海口套沙多置龍爪船隻往來
爬湯其餘原有今淤分流處所斟酌
次第為之淮安新城河北淤灘挑濬

深廣

前件行據管河郎中鄭鋼呈稱勘得甘溝菊花溝羊寨港北滷溝各有舊河形迹間段淤塞用工通濬勢必復淤未必能洩水患蓋因各河通射羊湖者則水面兩平潮汐相通自河入海者壹日貳潮減洩如舊海潮隨時消長初無阻塞不通及勘馬邏港地勢不順水性淤塞年久難以開挑海口套沙有通有塞不礙河流且風濤洶

問水集卷六

三五

湧舟無羈維人難用力爬盪龍爪船亦不須創置其新城後岸近日新長淤灘過河北岸水勢不衝今只於新城後岸栽植深柳防護堤岸實為長計以上工程大槩不切河患勢尚可緩到臣隨該臣躬親於淮海之間周詢審度及節行委官相勘得黃淮貳全河之水俱於淮安清河口會合河廣約數里東注而下河身以漸寬廣下及安東縣則已倍加深廣矣又下

及海口則廣貳拾餘里矣初不見其
停阻壅淤也若使海口果為流沙積
隘則洪河巨流必將停緩盈溢淮安
重鎮必將立見其沉沒矣今洪流奔
注初無少緩淮人平工而居亦初未
見其有所害也况海口洪波衝蕩非
若安流舟楫可以往來縱有套沙亦
非尺寸鐵龍爪可能爬盪若夫甘溝
菊花北瀆等溝馬邏羊寨等港及通
澗河開之未必無利但河廣已數拾

問水集卷六

三六

里諸河溝港之開不過數拾丈爾况
洪河流向東北而溝港折向東南正
以水勢不順以故節年壅淤今若捐
累萬之財力以濬之祇恐其旋復淤
塞爾蓋海口迤北委有新淤套沙然
海口迤南近已衝洗開廣矣新城河
勢又已淤改前項工程目前似應停
止以後海口果復沙淤淮安新城水
勢滄沒衝洗方可另議開濬

工役甚鉅次第修舉壹條

壹原勘議祥符縣地名盤石口添築長堤
 壹拾貳里北離貳百步加築月堤壹
 拾伍里蘭陽縣地名銅瓦廂幫築月
 堤玖百玖拾步考城縣地名蔡家口
 自第叁堡起至清涼寺山東界止創
 築月堤壹道壹千玖百玖拾步其餘
 矮薄并臨時衝刷去處量為修築

前件行據河南按察司管河副使胡宗
 明呈看得原議盤石口銅瓦廂蔡家
 口各添築長月堤遠近不等深為有

閩水集卷六

七

見近該本道原任副使汪濬議呈盤
 石口自馬家口起改於回回寨止長
 捌里壹百柒拾步又大戶張家前月
 堤長壹里陸拾步共長玖里貳百叁
 拾步行委祥符縣主簿王應奎管理
 築完銅瓦廂自本廂迤西幫築過月
 堤壹道計長柒拾伍丈又迤西接連
 幫築月堤長壹百伍拾捌丈又築斧
 刃埽堤東西長陸百捌丈陸尺行委
 典史張仁陰陽官栗堯民管理築完

蔡家口自本口迤西築截水橫堤壹
道長肆百伍拾丈又築本口壩臺迤
東埽長壹百零捌丈又築埽堤長
壹百捌拾壹丈又幫築埽埽長柒拾
貳丈又築埽堤長壹百叁拾丈行委
考城縣主簿牟銳管理築完為照前
項築過工程比之原議堤數遠近雖
少有異同但今又行據管河判官姚
熙呈報勘過長月堤貳道上自原武
下至考城議欲增培高厚補築聯續

閩水集卷六

六

則視之原議築堤里至丈數又不啻
加數倍矣其原議盤石口等堤去河
太近况有今議貳堤似亦不必添築
等因到臣隨該臣躬詣上自河南原
武縣下至直隸山東界止築捌百里
間沿河周行相度看得黃河之雷防
禦惟北岸為重蓋先年荆隆口黃陵
岡累決之口皆在焉宋元迄今累築
堤岸形址皆在焉臣備詢博訪歷攷
審度蓋河水湍悍衝激遷徙所向無

常是以堤岸之遠於河者間獲僅存
其逼近瀕河者無不衝塌當行該道
委官將百數拾年以來堤岸擇其中
去河最遠大堤及去河稍遠中堤各
壹道坍塌者增修缺壞者補完斷絕
者接築務使北岸築捌百里間均有
聯續堅厚高大堤岸貳重則前勘應
築各堤舉在其中不須另築矣但工
役甚鉅年荒民窘未能猝完合漸次
修舉期於完固苟非異常之水北岸

閘水集卷六

元

亦可保無虞矣

建閘濟運疏

為修建閘座以濟漕運事臣竊惟建閘節水以通
運者我

朝百數拾年來之定規

成憲誠萬世所當遵行而罔敢或違也顧閘座建
有後先以故地勢之遠近高下容有未能齊壹者
夫閘近則積水易而舟行無虞閘遠則積水難而
舟行不免淺濶留滯之患若上閘地近而下閘地
遠則其難其患為尤甚矣頃者臣奉

命疏濬運河復開座往來魚臺徐沛之間既而河道幸通開座幸復臣復往來閱視見運舟滿載溯流而上者萬艘畢達諸開舉皆無滯惟沛縣沽頭上開迤上胡陵城開迤下數拾里間舟行稍遲必待沽頭開閉板積水盈滿而後能進壹遇開開水洩未免稍停仍待積水臣復嚴督管河等官督調夫役挑濬倍深而其患如故雖不致阻誤行舟而不免遲留停候臣迺審悅周詢及躬用水手及覆測量而後得之蓋上開與下開地里遠近高下相當則水勢常盈舟行自速今胡陵城開上距孟

陽泊開僅柒里爾而下距沽頭上開迤陸拾餘里則遠近已懸絕矣孟陽泊視胡陵城開僅高肆尺餘而胡陵城開視沽頭上開迤高捌尺餘則高下亦倍蓰矣夫地高則水難盈開近則水易涸是以胡陵城開每遇開放僅能挽運舟數拾而開口之水已淺澀矣又安能下濟陸拾餘里之丹邪臣已從宜行管河官於胡陵城開下貳拾里間地名廟道口添築土壩積水接濟然不過壹時權宜非久遠之利也迺公同管河郎中涂捷等議於廟道口建設壹開俾胡陵城沽頭上下貳開之間積水易

盈然運河為黃河衝洗自胡陵城而下漸加寬廣
 猶慮久旱泉微積水難盈臣復勘得胡陵城下壹
 里許雞鳴臺之東原有小河口內有上流滕縣新
 莊橋泉柒里溝泉由昭陽湖出焉近被黃水淤塞
 又勘得沽頭上閘之北金溝口內有上流薛河沙
 河玉花等泉出焉原有減水閘座近年下被黃水
 淤塞臣已節行管河郎中委官調夫通將貳口疏
 濬接濟漕運矣合將金溝口舊閘修復稍移臨河
 溝口雞鳴臺小河口創造減水小閘壹座以後運
 河水盈則閉閘瀦水以待涸則開閘放水以濟仍

閘水集卷六

三

於昭陽湖下流增築橫亘長堤遏水俾由上流雞
 鳴臺小河口以出則下至沽頭閘陸拾餘里閘通
 可接濟矣隨據管河郎中涂榭勘報廟道口閘估
 計合用錢糧前來臣查得今春挑河尚有支剩鐵
 錠壹千捌百餘并石灰等料及金溝口淤沒舊閘
 壹座昭陽湖泥淤無用石閘叁座石塊尚多可用
 合無通融運用如有不足方行增益及此外匠作
 工食物料等費亦有挑河還官支剩銀兩堪以動
 支又該巡按直隸監察御史徐九臯親來閱視及
 委官勘估修建前閘物料與臣所見大槩相同地

方輿情亦皆稱便但廟道口既建閘座即須添設
官吏夫役照得沽頭中閘上閘地里相距甚近合
無將沽頭中閘閘官裁革改設廟道口閘吏役則
添撥閘溜夫役則查照各閘於徐州肆縣編僉其
沽頭中閘比照南旺柒級阿城荆門上下各閘事
例行令沽頭上閘閘官就近帶管則官不至冗而
事亦不廢矣如蒙乞

勅工部再行計議如果相應速為上

請定奪行下即委管河工部郎中涂捷管沽頭閘
工部主事王佩公同管理趁今冬盡春初調度興
工剋期修完務期堅固造冊稽查閱實
奏繳財力不多費而運道獲利濟之益矣曷勝
幸甚

閘水集卷六

三三

議免河南夫銀疏

為地方災傷量免夫銀以蘇民困事據河南等處
提刑按察司管河兼管水利副使張綸呈前事照
得本省額設河夫除近議減編外實在叁萬肆千
陸百名堡夫貳千叁百柒拾貳名河夫每年俱以
叁箇月為限如開封懷慶衛輝叁府所屬稍近遞
年起夫每夫徵銀叁兩隨夫解赴工所給散南陽

汝寧河南彰德肆府并汝州所屬寫遠每名徵銀
參兩解發開封府貯庫臨時顧免夫役係是舊規
但黃河為患頻年興作勞役無息加以連年災傷
民多艱窘為照今年災傷比之往年尤甚下地多
被衝沒高地復罹旱蝗本道巡行目擊老幼悲苦
淒涼滿目其未經地方大略相同來歲春夏之交
青黃不接尤難聊生本道所議工程起夫徵銀正
在貧月之間若不預為呈請誠恐臨時徵銀不前
起夫不至河患無備尤為難處及查河道在庫銀
兩積有壹拾萬陸千玖拾伍兩有零夫積而不用

閩水集卷六

三

則為無用之物今所積既多合無俯從憫念地方
災傷預行所屬州縣將嘉靖拾伍年河夫銀兩盡
數寬免或量免壹半雖興工動衆照舊僉派俱從召
募之例計日驗工將開封府庫貯河道銀兩分
發鄰工州縣委官同管夫官照名給散是雖用其
力不盡其財貧民如有願來做工求價糊口亦許
准聽如此則人不告勞工可就緒而地方藉此以
獲生活者必多其災傷困苦若有以全濟之者而
公私俱便矣具呈到臣竊惟黃河入中土惟河南
壹省獨當其衝被害為甚每年編夫殆逾數萬徵

銀調夫勞費不貲况今嘉靖拾肆年春因山東運河淤塞遠赴挑濬勞苦殊甚目今災傷重大困苦尤極且自嘉靖拾叁年以來凡河南壹省夫銀臣節經批行按察司管河道通行收貯開封府庫以革寄放鄰河州縣及徑發工所之弊凡挑河築堤通計丈尺定擬工數以革委官多估虛費之弊目今存積頗多相應減免以蘇民困但黃河水性無常運道關繫重大合行酌處如蒙乞勅工部再行計議將河南壹省嘉靖拾伍年黃河夫役內開封懷慶衛輝彰德肆府附近并鄰河州

閩水集卷六

三

縣曾經調發山東挑河及蘭陽夏邑等處築水患尤甚蘭陽儀封睢歸寧陵夏邑永城等州縣各與全免壹年其開封懷慶彰德叁府隔遠未曾調夫州縣及汝寧南陽河南叁府并汝州全未調夫州縣各減徵壹半則中州之民舉荷至仁之澤而河患亦賴以有備矣

